

北

游

錄

北游錄後紀程

鹽官談遼拙木著

余欲歸屢矣乙未春三月欲附朱方菴秋八月欲  
附徐道力而居停見挽遂不自決雖蝸沫足濡而  
心終不擇蓋進訪舊事稍非其人則不敢置喙至  
于督書則余主京市書則余索死日攢眉故紙非  
其好也迨萌歸計而居停適有纂修之命意致一  
二佐其下風則天祿石渠之藏殘缺次既無可  
資訂遂束身而南所附漕艘謂功令方嚴決月可  
竣乃自天津以南沿程相促及過德州而回空置

不同矣於是進寸留尺凡四閱月始弛裝而余心  
滋戚矣然因漕舟而知漕卒之困與貧祇等也工  
料之重私耗之繁其費十倍于先朝余欲別裁之  
而未暇也第據舟中所及曰後紀程

乙卯凌晨陳羽君來即去以並送陳永遠也余飯訖  
別朱太史走宋俊伯策蹇出東便門值韋劍威以送  
永遠至鄭重而別策于通州南門宿焉聞北門外  
迎福寺側有李卓吾墓不及向

丙辰步五里土橋十五里張家灣舖條二畝張家灣  
城外民居半毀土橋舊劇聚多祖道于此今荒垣十

九也又策塞沿河積沙如雪故曰白河值風不颺不  
生草木三十里登舟宋俊伯先到處州衛之漕舟至  
則褊陋無可易矣先是走白雲觀見城河水泮余心  
皇々及沿河水堅如故夜大風

丁巳午刻宋俊伯來泊舟處隸武清東隸香河

戊午

己未驚蟄節河水倒節後而解

庚申

辛酉陰寒冰始泮夜雨

壬戌陰巳刻發舟十里夜大風

癸亥明刻後三里抵河西務河岸善崩往見崩及城  
下今傾數十丈矣樵署雖空舟先給蒿過後而繳

甲子早霜經桃花渡宿

乙丑陰風逆宿丁字沽夜雪

丙寅舟阻風虞泊

丁卯大霧牛泊天津而晴天津產魚鹽樵署在河西  
務昨歲增滿洲官二人知回漕多販魚又稅之時回  
漕五百七十一艘全置鮑魚一石費二金

戊辰行三十里楊柳青又二十里宿

己巳十里大王莊順治六年以盜藪屠之

庚午旦抵靜海縣是日陰午風利行十里宿唐屯

官

辛未晴唐官屯產鹽余從衆置鹽一石余拘人也亦  
魚上鹽今而後其有市心乎十八里流河驛十五里  
蔡家莊三十里宿青縣自靜海來河稍平不徑

壬申舟早行以管河廳通判促之也三十里興濟縣  
二十里以風泊值陳永遠

癸酉行十里滄州多名園河東故中丞王公弼園  
尤盛故總督劉燾墓頗近其裔多諸生已經劉氏故  
居舟人曰此名晚地昔有將兵至此問土人何地云  
晚地遂引去今因以名晚風利自城南三十里碑河

驛十二里馮家口十八里薛窩

甲戌行二十里戚家堰又十里尹家園縣交河舟人曰

地名大柳樹有南京沈三萬北京大柳樹之謠余偶

閱牆角一碑云尹家園也十八里泊頭鎮

乙亥行二十里阻風野泊昨夕風利諸舟賂游微遂

停帆惜哉

丙子葦二十里東光縣二譙樓云魯班造樓八觚其

梁橫疊東光縣西北三十里青山即古觀津地漢文

帝后竇氏父業漁釣墜淵而卒景帝即位尊為太后

遣使更塋所墜而塋起大墳曰竇氏青山為數丈周

四五里俗呼為千古李家墳四十里蓮兒窩為雄鎮

通戎楚之兵北還市人閉戶二十里野泊

丁丑發十里安陵鎮即漢甘陵也河底多瓦礫試築

厯落有產十里宿

戊寅阻風且避楚戍不發晚登陸為德州李中墓中

萬曆元年貢士終武強令

己卯風利仍避不發

三月庚辰朔發二十里桑園驛產菽為劇市

吳橋縣三

十里老君堂四十里德州界二十里泊城下德州人

善織悅肩販踵至

辛巳四十里四女祠恩風雖利以河紆曲不能速又  
十里泊

壬午霧二十里阻風泊陳永遠舟中語久之風息又  
三里經故城縣在河右邑屋頗盛有鬻燈薪者時  
卒誘入廟中閉之以供挽絆又二十里宿中夜大風  
諺云三月三九月九無事不向江邊走良哉

癸未阻風不發中夜風息

甲申發二十里方家淺十五里距鄭家口不遠大風  
揚塵蔽天咫尺不辨中夜始息寒甚

乙酉巳刻抵鄭家口地產梨里門鼎一或樹旗焉

人此摧氏為余姻明年會甚營事外戚田都督沒其  
肯致富子弟補諸生樹旗者也噫田氏敗宜摧氏興  
丙戌風梗且阻淺

丁亥未刻發五十里甲馬營五里宿

戊子發三里阻風晚風仍阻

己丑清明節二十里武城縣城西偏運河儒學先師  
廟俱土像其西劇市也又五里泊

庚寅風阻

辛卯風雖利仍不發蓋舟中人聞臨清推貨嚴鹽禁  
也回空利于貨而鹽尤利過臨清倍價矣明永樂初

許空回帶監以此也滿洲人推關鎖細已甚晚者二  
十里

壬辰霜寒發五里渡以驛、故大聚令耗矣二十里  
油房四十里半邊店

癸巳三十里泊真武廟距臨清十里南渡多滯舟故  
不發

甲午夜大風雨雪雹尋止

乙未陰田畝改色登永壽寺塔盡九級返舟行十里  
泊水門已飲于處州衛和夏次

丙申午入臨清上南幕過下南泊總兵公署前關將

軍廟有井近日焰騰數有司以駭龍石覆之

丁酉出南門臨清南北水門相距十五里各築角樓  
沿河士女多湊泊之游二十里雙淺南廢今特建三  
十五里泊 清平縣界

戊戌穰重運不繼

己亥歲五里戴家灣間有清平管河主簿分署三十  
里魏家灣泊

庚子是日魏家灣為集屬清平縣稍北朱家灣則博  
平縣境也舊市人三千餘家今耗甚南板十二蓋水  
至八板可重運否則封閉故不繼

辛丑

壬寅魏家灣閘始啓放淮揚運艘夜二十刻發五里

入土橋閘

博平縣

又五里泊

癸卯晡刻梁家鄉啟閘茂舟五里泊

甲辰陰步里許為梁家鄉閘上下懸流五板瀑声雷

厲夜大風聞雨尋止

乙巳晴梁家鄉放閘

棠邑縣

行三里梁家淺十八里新

閘十五里東昌城北

丙午辰刻同陳永遠步五里渡浮橋入東昌北門城

聖壕廣光朝鉄鉉之所守也光岳樓皆城之脊凡四

層其架棟如井字俗傳魯班之斤妄也碑刻俱無撰

且不詳其所始尋出東門即魯仲連射書處往年大水塞東門由子門入仲連祠尚歲祭祠廢于水

丁未附後尋隆興寺、古城壕之左明初建鑄鉄城十三級順治七年寺被水門以外方水盈、非其初也出尋羊使君丁御史二祠俱東門外羊使君失其名五代晉開運二年知博州大水城且陷使君投水死以請氏命丁御史志芳洪武

進士殉建文難

祠在園園間子姓可八十餘人羊祠傾于水不存戊申未刻放廟我舟始渡俄飛騎止之云滿洲官舟來也頃刻間陳永遠之舟隔矣夜大風紹興漕艘火

其一

四月己酉朔辰刻而舟立平南王之牌旂上雙龍貫  
目已刻我舟度南十五里周家店南

庚戌大風步陸上入高氏茅齋土垣草卉楚々可愛  
辛亥又入茅齋值主人語移刻而別午大雷雨晚霽

度南十里泊

壬子步五里至七級鎮下南陽穀縣觀音寺直南明

初浚土得舊碣云琥珀寺觀音寺則其來舊矣民居  
殷繁其北真武廟尤壯殿前文官策一金桂花一並

奇卉也

癸丑暮度阨十二里阿城下阨阿城古阿大夫邑地  
後徙治東四十里曰東阿

甲寅午度阿城下阨財穀十家直阨而西三里有井  
樓其上汲井水煮黑驢皮為膠治女科神效晚行三  
里阿城上阨八里荆門下阨二里荆門上阨以上俱  
屬陽穀縣夜雨

乙卯晴行二十里張秋城先時城北大水今得出佳  
下如壑文昌閣三元宮並傑出則河伯之吐餘也土  
人繫一小狼如灰犬喙尾呾長須五十錢沿南城挂  
劍臺走上流西岍之月河則五空橋修十五丈五竇

弘治九年劉士良築登橋諱季東碑記杜大水舟行  
橋之左今淤其左仍右行矣隄多石南二里有廟升  
人云昔淮安大河衛千戶某運糧舟壞自沉于河迨  
運舟抵京則運先告竣濱斗神之祠立廟衛弁歲祭  
惜碑刻未及致也又十里壽張縣之十里鋪麻山枕  
其後土嶺曰釣臺山也河西梁山漢梁孝王薈處今  
孰稱宋江則兒童之見也宋江碑大小二通近河中  
十五里戴家廟南亦巨鎮也今屯將城焉戍以五百  
人夜行二十五里泊

丙辰走五里安山崗即民山也東十二里東平州宋

狀元梁灝故居南接桃山光水山之水設驛今築石  
城未刻兩夜夢訪張元屹話舊

丁巳晴午度安山南風利三十里新家口地左屬東  
平西屬汶上舊劇鎮今才三百餘家有城或入泰山  
行宮東望龍山稍北白府山牛山相屬又十二里泊  
是日處州衛彭氏之舟到鰲得肉像三寸如兜頭觀  
音狀夜月皎甚

戊午行四里石頭口自戴家廟以來左右極望不見  
村舍至此稍見一二有支河來自肥城來故壘石隄  
其右二里袁老口南汶上縣其地高為南旺分水之

眷水易閩茂全輩同觀肉像陳永遠曰往常州某嗜  
鰲剖得觀音像不止殺吾湖孝生夜夢青衣人求救  
明日瞻鰲其夜又夢青衣人曰若殞我當禍其子越  
三日蒸酒兒三歲戲墮死宋飯伯曰吾妹丈陳氏聞  
食肆嘗買鰲七枚宰夫烹其三見夢宰夫幸貸其餘  
明日仍瞻之夜夢青濫殺呼其背亡何背瘡死三可  
戒也夜度南

己未行十八里聞河間居人百餘家有磚城十二里  
北柳林間居人稠于河間土堡不如也六里分水龍  
王廟昨春二月六日大廟僧謂神夢去此似未可信

今修復矣汶水東來直廟前左岬如複嶺西多石陁  
二里南旺廟汶上縣十里寺前鋪廟一曰南柳林廟  
八里長溝<sup>\*</sup>十里小長溝十里虎頭灣泊

庚申早望河左右各有三山非兗青諸山也左屬寧  
陽右屬嘉祥河左南旺湖先宋尚書禮部湖而陞之  
以通漕湖產菱芡轉灣曰通濟廟有土堡十里村老  
陂開元時置今廢居人百餘家五里安居鎮居人數  
百家有土堡十五濟寧州下廟去年徐道力絕處夜  
不能酒寄悼四首

辛酉度天井廟仍泊濟上數里三廟相傳下有古井

或曰天星卦德象形而名也已過古而池入南門尋  
釋迦寺鉄塔其址壘磚石高三丈八觚上置鉄塔九  
級高數丈初宋徐永安妻常氏造七級明萬曆九年  
增二級加頂焉塔額字不能詳也石刻多磨秀出奇  
過狀元坊爲金寺演立重加修飾非以其時耶市達  
多夾槐葉氏葉胭脂門外盤石高八尺左藤穿石罅  
宏覆如蓋亦可異也濟寧繁富倍於東昌晚飲于戴  
氏之舟度在城濶八里趙村廟

壬戌度趙村廟居人數百家五里石佛寺廟寺有玉  
皇廟正德十三年勅建意武宗南巡時也二麥拔秀

綠柳夾陴登閣上環奉石佛高可二尺漂水馬一龍  
勒詩于石狂草飛動王元美所謂惡書也晚飲朱氏  
之舟十八里新店閣

癸亥度新店閣居人甚盛五里新閣六百餘家五里  
仲家淺閣登仲庙朱門方新殿奉子路像冕服如上  
公禮後仲氏書室也已廢厠室三楹仲氏子肄業焉  
族指三百人諸生十餘人貢二人內翰林國史院世  
襲五經博士仲子陞則子路六十一代孫也方曾誕  
入京里閣軒翥向子路故居在泗水縣東閣距曲阜  
八十里漢季避王莽之難徙今處墓在開州通商二

十餘人石刻多成私以後則後人無識凡舊碑輒磨  
改之也八里施家莊南五里草橋鎮居人千餘家自  
濟寧來東北諸山遠不可望至是鳳凰山直其左東  
西鳧山綴之又東嶧山高最矣五里棗林南十里硯  
瓦溝

俱濟  
寧州

十里南陽鎮

甲子度南陽鎮南居人三千餘家東蜀山湖縱長不  
衡狹右南陽湖各巨浸也十八里橋口南三十里泊  
夜夢徐道力話舊向嘗詩悼王介人感其夢謝令道  
力亦然莫謂才兒無知也

乙丑發十里家塚南茆舍百餘家滕縣有土堡南風勁

且重運絡環晚麓三十里河口泊夾堤頗峻似丹陽  
道上南陽來左右各湖其石多涸草澤曠遠不屋不  
丙寅十里楊庄間沛縣四無居人極望始見村樹八  
里夏鎮間雖劇地不城屢被寇其東南又見諸山相  
屬也北來至臨清南見山一東昌南見山再夏鎮南  
見山三鎮久不雨市人大雪斷屠宰十五里滕縣界  
其東白山頗峻巔有玉皇閣稍下真武廟三里馮家  
口左右支河右為石牐蓋左有山六七流急故石牐  
以障之與尹平山青山東林山相宜稍北胸山滕界  
鄒費間東過滕則嶧則郛城則沂州也又十里泊夜

# 大風

丁卯忤風力行三里祁山集在運河東其右即微山湖也山以微子名直湖中登祁山望之雖帶山渺々不異望洋祁山集舊三千餘家半殷姓俱微子後遭亂邱墟十之九向殷氏尚五百人大半徙微山微山流籍殆萬家田數千頃可耕兵燹所不及也湖最廣茫々無畔岫崇禎十三年旱六週祁山在集之左弥陀寺宋康定二年建金承安二年重修距滕縣九十里俗傳宋相呂蒙正木蘭寺讀書處水際有破窑非也蒙正家洛陽木蘭寺在馬唐相王祐木蘭寺在揚

州齊東野人之說不知何昉舟人稱郛山曰赤山微  
山曰伊山傳音之訛如此余按寺碑乃得之孫院寺  
後郛山周三里高數丈意晉郛鑿寺故居也晚行二  
十里泊微山湖西岸地多瘠或逐之不獲夜雨

戊辰雨霽十五里韓莊南有土堡居人百餘家

嶧縣界

自楊庄來土多石脉而韓庄南尤甚相傳鑿河時沃  
醋于石而去之功止艱矣南面又有南以鎰微山湖  
者湖西即沛縣通徐州又西南二山据水中北卑而  
南雄怒出微山下末微其名沙涌守備在郛山東南  
有城今住韓庄催漕左陞岡岡脊其下並曠土十八

里新聞近聞三灣舟人任爲不任緯語云三灣當一  
南又云三淺當一南古人潛水不欲概直概深也又  
六里泊

己巳晴六里抵居梁橋南、右支河橋曰居梁茅舍  
二十餘家又六里萬年庄南諸舟夜度獨余留頗憚  
庚午江南貢舫至啟南得行十里丁家廟南舊二百  
餘家今數家東直伊平山豹子谷西直庫山高山黑  
山餘未詳嶧縣俱微子逢人之口按石刻曰沛縣楊  
庄南帶管沁河丁家廟南初萬曆三十一年總督河  
道尚書劉東星議開沁河舍黃流引汶泗山水泉源

之水助運自邳州直河口起至夏鎮李家巷計長二百六<sup>里</sup>里內鑿陸八十二里浚舊八十里築堤二十七里建閘八次年孝化龍繼之告竣自韓庄來左多支流蓋諸山之水道也暮雨泊

阜未發十里頓莊南七里候先閘四里大風口其歌風臺之支流半而止風利四里臺庄閘煙井韓集舊二千餘家今半之西直熊耳山稍南車輻山王母山邳州熊耳之北花山寨山黑山

峯縣

壬申晴市上菽麥俱貴以春三月大霜傷麥也豐沛蕭碭並灾十二里梁王閘東八閘盡矣梁王城水經

注秦以睢陽為碭郡漢沛公為碭郡長天下既定五  
年為梁國即今碭山縣文帝十二年封少子武為梁  
王疑即此漢梁孝王築東苑三百里廢睢陽城七十  
里大治宮室相傳蒸土為城舊多居人今才數家有  
古井云多寶又有廟南在城西平於水圯極不下板  
南二里神王山頗高大麓有村聚河西王母山連嶺  
其石尤峻上為王母廟又梁女南游蛤湖觀荷產一  
子留居弼月云過滿山豈即神王山耶十里夾洧鎮  
舊河稍紆曲崇禎 周鼎直之距鎮里許居人罷  
市堤上立周尚書祠又二十里洧

癸酉行直河快甚十里徐唐口左有支河十里二郎  
庄二十里貓兒窩右有支河產藍魚俗名刀鱗價賤  
二十里魚頭集距運河二里順治三年六月南舟  
十有四艘北輸人參夜泊大雷雨忽一舟聞神語拔  
桅拔桅則大桅忽移陸時繫一役卒忽脫舟始復更  
不損人止一奇也十里夾口四十里麻湖店宿遶二  
十里路馬湖口在運堤左其廣不下蜀山湖

甲戌大霧行六里阻舟不發

乙亥行四里董家口廣十餘丈居人二百餘家黃河  
自開封徐邳經口岐濤沟湧土人方植椿置埽埽其

股款直一錢碗者以次減蓋若于役重也晡刻雨出  
黃河風雖逆倒退二十里宿遷縣泊

丙子霽十二里小河口十里陸家坟二十里白洋河

鎮人數千家西隸宿遷東隸桃源宋俊伯市豆三斛

丁丑陰有龍小犇二斑文似虎未刻者十五里古城

居人三百餘家有三義廟左為觀音掘高阜二十里

崔鎮居人千餘家二十里滿家灣八里野泊

戊寅風霧有寒色十二里桃源縣在南听其北土數

百家四十里三岔巡檢司十五里西湖城舊數百家

今八十餘家有小市又五里東湖城才六七十家十

里清河縣在湖北無城儒學大成殿覆以琉璃瓦左  
即邑治俱臨河有狀元坊嘉靖己未科丁士美立先  
是黃河由古城入毛家溝經縣後曰大清河會淮水  
過魚溝達安東下雲梯関入海嘉靖初古城口塞南  
自縣南合于淮曰小清口十里出淮河泊通濟南所  
五月己卯朔早雨尋止晚登陸訪韓信城在興福廟  
南韓信母塚在城下半里西為漂母塚水經注周延  
數百步高十餘丈昔漂母食信于淮陰信至下邳蓋  
投金增陵以報母矣太史公謂韓信母塚其旁可容  
萬家余觀北土曠衍無際獨美韓信母塚哉晚發五

里新庄南之平設板十里興福廟十五里清江浦  
庚辰晴抵戶部公署前清江浦居人數萬家夾河二  
十里余登北岸見淮河湯：歷天妃廟後而東入海  
也對望王家營限隔天塹晚發十里宿板廟

早已辰刻度板廟宋俊伯以推萱頤受詔十五里淮  
安四十里平河橋為劇鎮支河通鹽城橋跨之三十  
里涇河鎮十里王望鎮宿應縣淮東林表被野村烟  
相接田家薈狹穿陸設筒輸緡于官猶吾鄉之現也  
又二十里泊

壬午發五里宿應縣稍南有河不設板淮揚間多柳

農實似有熙攘之色行六里風阻余思家走育應城  
而閩將軍祠卜馬登文峰樓秉入般若菴故侍郎江  
右李梅公元鼎建僧云梅公于運河西作準提普善  
二菴極水石之致蓋圮水湖上也晚菴十二里泊  
癸未雨過槐角樓三十里瓦店鋪間甚舍數家十里  
汜水鎮居人二百餘家諸舟泛蒲不茂

甲申陰發十里界首驛高郵州五劇鎮又十里六合  
間甚舍三十餘家農人架木懸蓬七尺設轉轂車水  
乘風而旋省人牛之勞亦創見也西听甌湖其中臥  
七公墩大水不沒望蔽樹蔚々三十五里高郵州十

里中果鎮二十里露筋廟。左運河右自邵伯河而  
立俗傳貞女不他宿露坐飼蚊至筋見而殞俚王肯  
堂筆麈曰江德藻聘北道自邵伯埭三十六里至鹿  
筋梁先有邏此處足白鳥故老云有鹿過此一夕為  
蚊所噬至曉見筋因以為名北音謂鹿為露故訛為  
露耳酉陽雜俎云江淮間有驛俗名露筋嘗有人醉  
止其處一夕白鳥嘔血滴筋露而死始則訛鹿為人  
既又誤男為女世事往往皆然雜俎續集世既罕行  
卒莫為是正故特表而出之廟四進俱尼僧山陽縣  
二十里三旗南十里邵伯鎮居人數萬家東北支河

通廟灣五十里揚子灣二十里揚州鈔關非風利不  
及此

乙酉晴度鈔關二十里揚子橋以唐時名今廢即  
三叉河也恭順侯吳維華建塔七級昨歲落成十五  
里瓜洲下南東有余氏園

丙戌陰陳永遠之舟蓋隔旬矣永遠挈渡河東三里  
入瓜城北門度文昌橋登南城大觀樓江山雄暢頓  
豁積目下樓左出南門沙上架木俟警以張革發炮  
宋葉義尚守鎮江列木柵為潮所漂正此類也因市  
飲從故道南入余氏西園樓臺雖圯樹石如故安羅  
花尤奇余氏之富五世矣其先敗難畜有士貴奇之

借箸起家鉅萬高傑之亂而園坵今田園俱易主東  
南又丹徒華氏園不及向而還暮雨

丁亥陰過瓜洲上閘上下閘相距八里河東江都西  
儀真也又五里泊江口但雨

戊子渡江中多伏椿防寇警于是渡者略槳扛導  
之泝郭璞而上礁石突其首伏其脊尻加峭馬從金  
山左之善財巖有洲橫于前置戍舍其下即焦山也  
江廣十有八里南至蒜山東听列砲營房經鎮江西  
門橋望西南諸山蔚然深秀二十里丹徒鎮橋十里

月河其西蜀山丹徒縣二十里新豐鎮 丹陽縣泊陸

公橋是日雨微夜

己丑雨後十里黃泥鋪二十里丹陽縣郭外石橋四  
三義廟塔七級僧舍有倒影鈴鐺飛鳥歷、可數十  
二里清楊鋪有蓮花菴二十里大王莊洵

庚寅發二十里呂城鎮橋十八里奔牛鎮橋奔牛視  
呂城為碓二十五里相子河十五里常州北門環城  
出白家橋十里又十二里丁家堰十里戚家堰泊  
辛卯發十里橫林鎮橋產蒜三十里洛社鎮居人甚  
少橋圯十五里高橋亦圯西南錫山上有塔次慧山  
穹然高也一日九龍山次勝果山次青山十五里無

錫縣北門薄暮陳永遠拉游慧山入鄧氏園亟反

壬辰陳永遠來

癸巳泊東門外之高橋

甲午歲二十里新安鎮二十里望亭鎮舊市廛五里  
南北各跨石橋今圯其北存其南居人才百卅家二  
十里澣墅泊北橋

乙未雨午度權閘二十里泊楓橋雨止

丙申晴宋俊伯豈始售晚棧十五里泊胥門

丁酉發五里泊減渡橋

戊戌雨發十二里尹山橋舊居人數十家今廢橋旁  
義井元大德十年鑿十里葛布橋十里吳江江北門五  
里新橋題重建浮玉州橋州官是洲御史周宗建祠  
廢其石坊存自是長城多水竇水瑩綠異常左為龐  
家湖二十里泊八尺鎮

己亥陰二十里平望鎮之北五里有敵臺其東陸家  
蕩楊家蕩其西唐家湖也時浙福總督佟代罷跡連  
舟三百鎮人輟市遂泊尋雨

庚子晴發十里王家溪為小市十里集慶寺河東隸  
秀水西隸長洲至王江涇北而止十里王江涇二十

里嘉興宋俊伯實舟至杭

辛丑早雨余別俊伯易輕舟晚抵舍

談遽曰余北海倦矣得返爲幸不修途四千里身怯  
駑乘勢必舟，不任獨故任附至于附而耳目皆非  
我有矣語云飛鳥依人，自悔之余行能無足數不  
見棄于人雖執鞭所欣慕焉第商閩而北而山水故  
蹟終茫々也噫好古如余猶未少酬一二剗膚涉虛  
往者乎在燕時或修贄廣謁略可自潤而余不能也  
別居傳竟長揖出門不更求他賄道中躡一敝屣殆  
于決踵余豈不憂日後耶憂日後又不如忍目前余

味計決矣擔簦而往止擔簦而回篋中錄本殆千百  
紙余之北游幸哉余之北游幸哉

北游錄紀咏

鹽官談遷孺木著

余非能詩者于旅中荒飽之餘或搦管窺韵書塞  
白久之共如千首欲灰棄之念境遇相觸微事感  
會幸一當長安時而津塗時而遽廬趾自環應芒  
屨枯案取適刻下直等于吟嚙不善乎唐山人球  
足跡不踰二百里其詩瓢不沒迄今行世何幸如  
之余淪廢才不逮球遠甚而南北之跡終屬萍梗  
蛩蚓為知己虫蠹為剗剗且不足辱秦燭餘

無矣故  
北咏

朱駱

朱鷺遊哉翔以集揚華纓咏 魚鱗鱗以媵余食之  
未飢吐之未鮮朱鷺潔鮮天池浼浼清且漣

思悲翁

思悲翁城上爲哺我翼我色如荼葉楚幕尾畢逋  
子五臬母六誰雄誰雌將衆雛夜鳴主人屋明日應  
有赦明日應誰死臬爲羹烏來宿

艾如張

艾而張羅彌天布之磬山匱澤獵師不色怡謂彼道  
禽踈網難施阿閭巢鳳凰西岐翔丹雀機械日沉沉  
母爲羹臬廓

上之回

上之回祠五峙樹翠旂驂耳夜之半覆黃雲帝降  
格香馨聞太白高昂北昏隴西出塞一登單于臺瀚  
海為池天山為門西域請吏南越朝鮮昆明冉駝萬  
里俱作垣皇哉上帝饗我明德天馬來神爵飭麟一  
角鵠兩翼永錫萬歲綿帝力

翁離

擁離趾中爰卜我室秋氣漸陰微聞蟋蟀此邦之人  
不置甲乙白璧一雙黃金百鎰爾干爾旌過門不入  
擁離趾中我躬是恤

鰕組篇

神龍制豫且世網何其密鰕組怨鼎組竊為尔自失  
夏臺何哭々羨里何慄々湯文若侗蒙諒不受譴叱  
拙哉彼鰕組其道無足術浸假為草木草木供斧鑕  
浸假為土石土石漸模漆有知隨有累可飾即可黜  
鰕組如物化大造不勝逸

游仙詞

陛下既萬壽稅駕驚崆峒阿閼等凡羽八瓊伶倫同  
富貴極人世逍遙無始終一解清溪一道士姑射兩  
神人嗑吸日月光語笑絕不倫幽崖類世外疇能知

其真二解 遼東返令威 桂陽還子訓 親故無一存 炊  
汲馬能問 寂寞下天門 安知不追憤三解 何以資遠  
餉 芝田日三秀 何以充修躅 黃鵠方聳候 服食非殊  
特 天地高且厚四解

### 結客少年場行

新豐市沽如鯨吸 醉拭寶刀相顧泣 往時射獵宿青  
樓 至追悔俱惡習 專諸聶政雖成名 七尺亦非狗彘  
急 漢祖平城耻未消 單于昨歲逃馬邑 破家結客出  
臨洮 霜花夜濕紅錦袍 隸來解甲見天子 規取居延  
為北溟

## 戰城南

戰城南走城北孤軍援盡鼓聲未息死生在刻北風  
轉厲白日欲匿矢且竭道且窮短刀接關甲鮮濡血  
寸寸紅部曲爭致死奮拳搏空弓堂上雙垂白子女  
俱孩童生世各不諧依我無始終所流戰場血不隨  
埃霧滅所枯戰場骨勁如昆吾鉄馬雖他人騎車雖  
他人製愁陰匝天地疫癘久不徹我甘鬼尔甘賊  
不穢鬼不息春風生塞草為我迴顏色

## 巫山高

巫山西蜀道難巫山東淮水寒羈栖東還遠且艱降

神女御飛鸞入窈冥凌嶺岼更雲雨憂萬端不如瞿  
塘水安流木蘭之檝乘輕舟宋玉不能賦襄王不能  
郵巫山高抑何 毋我西土久淹留

### 上陵

上陵岩堯龍輜住其下白雲繚繞寒烏來朝歟滅文  
武四夷君長琢石陪位深草沒其腰玉魚金蠶不泳  
不織三光江海誰辨色自昔有神人躡崑崙問空同  
揖金母拜木公飲丹丘之露居易遷之宮清溪雙鶴化老  
翁變成飛瓊列女童賜以八駿巡萬國享萬年天地同

### 將進酒

將進酒陳侍史陛下開天抑末技崇廉耻岳牧有司  
咸樂只邊城不閉西域貢藝南越獻雉后稷司農臯  
陶大理下民歌舞其甘如旨泉而醴露而膏上酌大  
斗舉世醇醪大酺十日持尊百牢其及幾何不如我  
黍我稷永流而枕糟陛下萬壽永言不滔

其二

糟丘之上高築臺遠望百里無纖埃北有蘭陵南若  
下拍浮荷鍾時往來腰下金龜值幾何身上帽裘不  
足多醉鄉日月仍淳朴伊誅舜篡俱成訛江南庾信  
枉自哀揚雄符命紛相猜黃時帝里矜歌舞今見朱

門長綠苔葡萄大宛釀十年河東桑落解留連王侯  
第宅皆無主猶有村沽醉可眠

### 出塞曲

浚稽山高九天蒲類海深九淵單于獵騎過居延將  
軍甲馬鉄連錢掃清沙漠輕一戰萬血模糊玄冥  
利刀殺人如刈草大營款急雪皓々餐風吹海刮牙  
旗壯士舒顏更 剝虜酒千鍾不醉人何如飲其腦

### 入塞曲

旋師屯塞上報書會莫府鹵獲雖累々士馬十損五  
翕侯既降胡李唐陷文簿諸校各叙功曲折可指數

刁斗警夜嚴蹋鞠兢如堵  
渾邪屬後車休屠行樂鼓  
主吏詔衛霍斬級空前部  
爵賞不逾時斗印開萬戶  
凱歌唱道周然鬼隔沙土  
春閨斷目波猶夢追驕虜

君馬黃

君馬黃臣馬驪來龍媒騁權奇東游碣石西令支  
一日千里不足馳朱龍飛象誰頡頏左肅金銀服兩廂  
君馬騰閭閻臣馬上太行渴汗仰芻秣夾鏡獎目光  
值君巡五岳相顧大道旁君馬寶珂玳臣馬骨昂藏  
法相應圖畫伯樂偶未詳天子開邊伐大宛馬在近  
求在遠

## 芳樹

芳樹初生在谷之陽而尺而尋倬矣南岡餐風飮雪  
叢百禽謝豹為之啼博勞為之翔蔽芾如甘棠華蓋  
如扶桑玉珂碧葉傲蒼々伊其相妬般僂榛斧晚其  
旁楚築華臺秦阿房吁嗟芳樹遭漢周棟明堂樂未  
央

## 有所思

有所思乃在金臺北何用問遺雙壁名垂棘藉以光  
名錦當自斂人織入火不焚入水不濡百計結君心  
鵜々更分翼方春枝々榮松柏覺無色胡麻長不飢

奚事黍與稷聞 有他心薄言慙之不敢飾辭當禪  
鯀當殛焚象齒狗馬革彼其之子為德從今以往勿  
復相思璧為石錦為絲神龜曳尾太廟犧君王舉食  
幸鑒之

雉子斑

雉子斑春相乳朝飛君家塢莫充君家釜本日翳蒼  
亦孔之艱雉子斑一為白越裳入貢銷奸頑

聖人出

聖人出白帝傾龍五色劍一鳴飛泗上都西京誅嬴  
項佐韓彭強冒頓稱勇甥雄尉佗走楚荆紀綱正日

月明垂萬禩協由庚聖人出天下寧奏清廟埒韶英  
樂七始芝三草神隆鑒開炎精

上邪

上邪我與君委軀萬里長宵竟畫海西流岱北走玉  
山之禾三尺秀刻肝鏤膈少不破老新不間舊南其  
舌朱雀張味讒言由之興訴上天彼隕石君德慈効  
左右

臨高臺

臨高臺江水出其下險百折腸九迴澎湃瀕洞鼓風  
而鬪雷芳州杜若似蒿萊江草迷離嘗疑猜駕雲兮

駿寬黃鵠兮不來天門沉沉兮隔帝冠維桑與梓馬  
馳隨

遠如期

遠如期大鴻臚伏奏陛下明德偃武來單于候區脫  
發伊吾白馬翰黑馬茶大人行久仰呼謁者引

陳皇漢萬歲天無外函北胡居藁街豈南山任射  
獵權以娛歲時大官饌羊豕具體陛下功德魏  
與天俱

石流即石留

石上流水涓涓不竭化水為石始不流水不能石流

潘淳河西奔江東訖黃姑織女銀漢吐々水何常源  
于石不風而波不瀑而液水常遊石常在與君盟終  
始待舉首見南山誰為踏東海

俠客行

負氣不肯下偏交五陵豪徒來劇孟狗屠傾濁醪出  
入柳市東安宿雞三號拊衣仰天歎孤我百寶刀有  
仇未即報荒飲徒滔々躍馬莫已還囊首投城濠更  
聞明詔下徵兵出臨洮願隸李都尉右服佩雙橐西  
域多美酒十年釀蒲桃吉語先入奏得賜素復陶

妾薄命

桃李日灼灼，車馬日赫赫。長安滯行役，黑貂將懸鶻。  
絳灌解媒孽，誤我秋復春。嫁時金雀釵，遺奩積寸塵。  
昨書來長沙，又出洛與秦。君當勉富貴，賤妾行負薪。

其二

少小工歌舞，紉綺好娟潔。明珠耀螭首，皓齒奪清雪。  
一語投君心，連環永相結。盛年輕千里，南北恣其轍。  
邯鄲多名倡，襄陽幾往哲。客枕不易涼，玉筋欲我血。  
出門所裁柳，新枝已可稅。

隴頭吟

隴山突兀寒生雲，隴水淒咽東西分。秋冬之氣貫四

序行人牽送哭聲聞軍書昨夕前殿入天子徵兵許  
爵邑良家六郡競弓刀藁砧欲別潛相泣單于新立  
右賢王控弦十萬欵風霜先陵諸羌復犯順大酋煎  
靡計難當漢兵風雨若天下戰場白骨愁深夜輕車  
都尉未生還烏孫公主且出嫁男兒慷慨度隴頭舉  
家血淚不能留生死甘心殉一劍未知怨鬼果封侯  
秦兮漢兮恨日積高壘俱傾銷朽魄太白臺官占夜  
高但入隴頭心恟恟國家承平三百載洮岷殺氣見  
征旄皋蘭朔雪寒侵骨榆林健兒敢馳突堅城自昔  
號駱駝信々天狼驚倉猝西上隴坂落日萬馬驕嘶

秋草荒空教百戰埋金甲隴坂何人不斷腸

煌煌京洛行

溷澗流清源嵩少護天關日月當其中光華自超越  
南陽白水飛真龍九鼎神靈啟辟雍雲臺將相俱圖  
畫更有羊裘不受封丈夫置身苦不早聖明在上毋  
輕老桓槩白髮出橋門一時爰子隆師道煌煌京洛  
冠百王車馳馬驟尤排房昨傳口勅臨前殿鷄鵠乘  
權擬尚方觚稜金爵少月色北邙瑩燁皇塗仄樓臺  
蛛網四無人赤帝炎々涼火德

公無渡河河之廣矣飢螭張吻挾壑置中流喘急湍  
奔矣激多旋渦人無賢愚浮險垂深雖有周孔如之  
何公無渡河河之廣矣昭王不復秦皇暴風滔滔湘  
漢橫餘波斬蛟捕龍俱欺我母妻涕洟且滂沱

### 江南

鶯啼三月暮月淡五湖秋烟景素髮楚客終含愁  
人言江南樂事易蕭索孫皓隳命侯叔寶臨春閣  
遺穢直至今但詠白羽雀

### 薤露

薤露不終朝少刻虛芳潤富貴曾幾時門故歌虞殯

沙隄交槐棘萬戶遺侯印氣勢催西日鴈鷗代佳訊  
鐘鼎盈人口九原少追駿

萬里

誰能柱白日不彼滌汜墜誰能挽東海不彼閭尾積  
人生會有盡委蛻同昏睡生平所嗜好一一並虛冥  
莊惠稱莫逆長別僅雙泪琴張歌其門兩耳塞深隧  
歌笑了不聞松楸多鬼魅

對酒

有酒如蠅父老相聚齒相讓各叙先德深以弘長吏  
循良絲麥折微十月開秋租正月浚漕慰令丞輸稅

十之八府帖下縣年々登雞豚目繁育布粟下戶康  
杼仍長吏奏最輒傳夕發聞量陞銓曹臺省無足矜

### 雞鳴

鷄鳴曙色動天子臨前殿大理來雀巢丹丘致寶獻  
丞相再拜賀聖德被宇縣仰見天顏開促膝屢曲宴  
柏梁次宸咏麟脯極珍撰三爵絲竹繁後宮羅環鈿  
宓妃寘天人平視驕庶賤二八更雜陳歌舞于焉倦  
絕纓洽衆懽迴波箴獨薦皇枝本同根分封列外  
甸家今朝上書叩土粟哀燕臣庶能相憐兄弟不  
相見芄區中麻採之染如練昔日委道周今日

作元弁

鳥生

鳥生南山陲其樹連理合數圍高崖密廕人跡所不  
到夜涼蟾旦清輝飲珠泉啄露薇栖止自適嘗倦飛  
鳥生八九子羽族繁息相依々百林俱同體萬機可  
為祈后羿立其下輕弓利鏃萌殺機今日覆巢明日  
飢繞樹三匝安所隸秦家鹿漢家烏天命不予常羽  
毛洒血下平蕪至今不聞有遺孤

平陵東

平陵東日曛々龍種葉々隆準公出我長安即沙麓

蜂目豺聲埽地軸風吹白楊聲似哭平陵東轉乎復  
漸臺斗柄行相逐驟告我家留黃犢

陌上桑

崔豹古今注邯鄲女子姓秦名羅敷為邑人  
千乘王仁妻仁後為趙王家令羅敷採桑陌  
上趙王登臺見而悅焉因飲酒欲奪羅敷乃  
彈箏作陌上桑以自明然其詞頭上倭墮髻  
耳中明月珠網綺為下裙紫綺為上襦夫採  
桑何飾也行者見羅夫下擔將髭鬚少年見  
羅敷脫帽著幘頭夫自明何治也東方千餘

騎夫婿居上頭又十五府中史二十朝大夫  
三十侍中郎四十專城居似非家今且貴寵  
若是何採桑也羅敷年幾何二十尚不足十  
五頗有餘以耦夫婿年相倍矣意當時刺淫  
之作不敢斥言反覆婉轉似有微意未可與

秋胡並日語也冀毋失作者意脚正言之

要以正  
不如諷

叢臺稔歌舞卻厭邯鄲倡使君出城南有女採其桑  
流盼貴新色倏忽傾玉房吏士承私旨婉曲問道旁  
自名為羅敷秦氏一一詳芳冶自摧挫不識徵與商  
篋中蠶且飢葉一搖晨光一解

使君傳華蓋白日問倉王良充徒御驤裘服上驥  
道旁各徘徊後車邀鳴鳳蘭膏迴夕漏離佩銷蕙璫  
千秋無萬歲其樂云未央二解

羅敷前致辭家本涇水陽少小習母師瑟咳禁遠揚  
雞鳴勗夫塲茨爽天常使君自富貴羅敷安糟糠夫  
婿義母負况彼殿中郎王奪妾志禁紂未彼狂言  
之汚茲頰充耳兩明璫願言慎舉動相顧陌上桑解三

王明君

征馬立踟躕掩映辭明主掖庭早通籍近識龍顏苦  
威容儼若神俛拜不再覩禁門雙屈戌知我泪無數

玉筋偷一滴猶是漢家土北風日怒號飛沙來莽々  
穹廔環馬騾語笑殊豺虎胡婢通殷勤單于夜起舞  
霜雪冬復冬白楊無他樹南雁歲一隸諒不專三輔  
遲莫捐老革戎麾事壯虜此身經屢辱男女各分乳  
故何遙々入夢路全迂天子恩益深金繒頒全部微  
軀本輕塵廟筭戒用武

楚妃歎

粵肇南服藍樓筆路滔々江漢漸跋其履前茅後勁  
廣分驚黃隨庸焚入我版附凜之若霜濡之若雨桓  
桓大邦鞭弭四布賢佞進退尤關王度非佞不鋤非

賢不注宴私浸淫如木受蠹莊王雖明曰蒼為素相  
彼虞立本蹇而步樊姬進說婉曲斯寤大禹拜稽周  
公吐哺既相十年仕路俱銅淑哉樊姬諳悉掌故二  
八在前寧身之妬梗楠杞梓社稷伊樹遂任叔敖靈  
長國祚虎視荆南齊晉交慕服鄭入陳目不敢忤脫  
簪獻規磐石是措

### 王子喬

王子喬鳳吹縹緲天風高出青宮御神臯被羽服卻  
旄旌嵩山之上石嶢々青鳥有時致一緘王子喬驂  
駕白鹿山南山北松與杉仰視陰崕丹書雲篆如舊

錢孤寡不穀聖神文武德至極三五曲墳不盡識呼  
吸沆瀣目精月華生羽翼天子拱默殘黎褐食貢琛  
獻藝梯航效職遨遊萬歲無窮期元后明々頌萬國

### 關山月

紫塞陰霾昏白日平安十里傳烽畢須臾澄鏡飛天  
東戍樓鼓角聲如一月明忽々照天山鳴沙磧裡無  
人還枯楊衰草暗生白魚海蒼茫路幾灣此時胡兒  
吹箏粟此時征人轉蕭瑟流黃遙濕錦機寒太白將  
高李廣默夜半萬鬼鳴啾々秦人漢人互追求母妻  
永棄委塵土悞我當年萬戶侯關山對月誰不啼身

在玉門家河西凍氣折膠看鉄甲流光握馬一時嘶

### 洛陽道

高城鬱峨々中天峙宮闕馳馬銅駝街意氣何勃々  
春繁西苑花秋皎東觀月揚々出朝門時貴駢肩謁  
平揖列侯前不在樹勛伐田園廣溼間筐篚致冀越  
徒步躡青雲三川不憂竭路人遥指羨燕領果奇骨  
馬鄧昔布衣言辭亦蹇訥洛陽輦上人何嘗記薇蕨

### 長安道

來日長安道車馬競馳驟范蔡拜相時衛霍封侯後  
五陵游俠兒射獵逐狡獸一解去日長安道青門瓜

離、穰侯出函谷太傅謫南陲逐客書未上任安獨  
相隨二解長安常在望豹尾何時出玉璽獻道旁金  
人辭漢室徘徊三渭橋流水何太疾三解

梅花落七首

塞向瑾北戶胡霜透骨寒春風知妾意早爾歎呼韓  
南人樹梅多北人樹梅少萬里傳春信不在孟姜廟  
人願梅花開妾願梅花落、時春草生邊城不蕭索  
征馬踏霜雪不自知冬春一見梅花白長嘶為玉麟  
幽閨蕤香炭寒意融妾面飛沙饕北風君顏自當變  
防胡青海上歲輒層冰鑿落梅冰漸泮跋扈手免作

異處各疑夢梅花兩不疑妾心仍舊日君貴卻何時

紫騮馬

君騎紫騮馬語妾出門去縛取左賢王肘印誓隸馭  
曼胡垂華纓妾手加裘絮至今歲復歲和親無他慮  
烏孫遙入貢胃頰通朝署匣劍思飲血徒羨宗室女  
承平固妾心用武失所據廟堂戒浪戰要敬亦能預  
雨雲曲

瀚海三尺層冰陰山雪密飛鷹大旂久凍色且  
腐戍樓積歲朽梯繩征人長役不自苦鉄衣繡澁弛  
弓弩裂霄墮指百不辭主將會兵追驕虜功名悞望

麒麟雨雪愁陰非命薄  
狗身一劍七尺輕戰死沙場  
自不惡

### 劉生

東平劉生古俠客  
慷慨傾人一當百  
方今豪傑誰似君  
劉生再起誠出羣  
自負意氣非人下  
橫刀西跨玉關馬  
戴師出塞殆三年  
大宛名王誅母寡  
萬里驅馳塞月黃  
隸魂征騎雜星霜  
寒飛夢邊城外  
白骨劉生爾不忘

### 隴頭水歌四疊征人作

隴水流消々征人不能飯  
隴水流洶々征人不思返

仰視隴頭山，俛視隴頭水。男兒慨且慷，訣絕從此始。  
西望隴坂長，東望隴坂斷。東西各異望，肝腸同悽惋。  
車馬東西馳，故鄉渺天末。隴水澆離腸，不解征人渴。

隴頭水歌四疊思婦作

隴水不得見，妾心隴水同。臨風惟哽咽，知不在關東。  
祇今兩行泪，不似隴頭水。隴水有斷流，妾泪無時已。  
相聞隴山高，如何隔雙目。隴水可量愁，要須千萬斛。  
隴山亦從地遠想，見夢寐非關隴。水流點點征人泪，

艷歌何嘗行

孔雀南飛文羽陸離金翠照，耀顧偶紛披。虞人見獲

奕匹雄雌伏翼丘樊絕影天池有色五采晦不施  
不如鵲鷦猶得一枝一解維昔結縭顏如舜華入則  
同室出則同車中林射雉笑言孔嘉樹護堂北並種  
胡麻、斷為蓬護落再花佩環佩玦胡能不嗟二解  
孤矢素志南浦子送指天盟日屢形于夢絡緯非絲  
何以充貢瀟湘不寒有時而凍比翼連理我心敢控  
三解渭不涇濁石不羽輕精誠貫徹金石多情吞針  
腸刺吞炭腸烹與子共好苦樂合并延年萬歲常爾

### 艷歌行

火炓織重衾夜光製明璫碧玉砌階除上為黃金堂

燭龍啣夕照十里紛城行下車步盈々妍麗驚夷光  
香巾拂朱絃曲奏雙鳳凰蘭蕙承餘風靜對吹幽芳  
龍鬚双紋席玉几觀夜涼芙蓉浥華露寵極長專房  
翠黛百餘石雞舌千餘筐朝夕奉膏沐解竹畢笙簧  
懽娛恨不足烏兔徒奔忙填海為浴池兩々浮鴛鴦  
太華琢盟器十丈蓮花旁

滿歌行

月滿易闕器滿難持履盈覆盛其勢日危崇臺連棟  
廣園深池傳世能幾及身而夷出門上蔡對客南宮  
事本寂々去後嘗思戒君守滿聞之畢々紙上陳言

管中隙窺長安津要天旋地規反覆雲雨吐納光儀  
曰鬼見帝突梯喔咿銅山鑄錢武庫請宅游岐驂乘  
長楊五柝賓從雜沓熱手可炙曰素曰淄曰夷曰蹠  
惟其一言莫之敢斥舍人引謁千秋雙壁明珠大貝  
蜚翠丹碧委積私家握筭鑽核更有才智徒步困厄  
淄川牧豕應侯折駘會投天幸遽列榮戟屢樹元功  
閩外獻馘南越來庭朔方乍聞流譽旂常重權未釋  
少年微文上章彈射終不引避杜郵在昔中山進篋  
且陷大逆博陸安陽舉付屠伯利易溺人名尤召摘  
孰深于淵魚且為腊孰崇于獄羽折其翮大塊浮生

似同過客鑒別太嚴列于黑白懷葛不作希夷見割  
善保一身毋為物役我榮人辱我肥人瘠吟域一開  
不啻毒螫朝脯告乏薄治菽表布褐自由川巖交通  
浸假卿相歲饒萬石甲第黃腸身後何益門故一慟  
但云可惜且寄嘯傲以山以澤追起古人僅等戲劇

### 緩聲行

直棘之草必有不灰之木物變芸々不可膠曲七尺  
等身四寸等木蓋壤何寬而毋語彼夏虫熱而毋語  
彼氷蠶寒心之念矣歌且歎雀錫之露必有立化之  
石反灾為祥秉權赫奕南山有時崩九河有時平而

母高彼鄙鳩而母樹彼喬英心之念矣歌且悵

烏棲曲

水邊楊柳翠欲滴樓未棲烏影寂朱樓歌舞夜々  
深繁音聒耳愁芳林

華星歷々照白榆十五吳姬傾玉壺苧羅村樹施家  
女艷色嬌歌天下無

碧瓦鱗々霜似雪錦衾春暖枯香屑樓烏也是解多  
情東方日出時一鳴

征人遠道烏夜棲檀槽拂罷閉芳牖他鄉未必多林  
樹遮子規向客啼

吳趨行

蘇臺明月西山巔紅塵四合烟雲連繁華窮寵世莫  
比並璧駢珠盡可憐腴田跨邑雄綺陌五里十里不  
須驛柳絲處處繫驂驄畫舫家々關梁戟子游文學  
開春秋梅福神仙第一流劍客專諸湛七族胥濤飲  
恨至今愁吳中富貴仍今昔更起秋風思震澤三尺  
鱸魚白似銀蓴絲夢斷華亭鶴于今氣節俱已矣張  
清朱瑄驕邑里賃春長笑梁鴻貧延陵欲負徐君死  
層茵累榭臨清波席上娥眉艷綺羅白雁江南正秋  
色吳趨猶唱舊時歌

長歌行

大河灌百川蒲葦互枯榮  
非不藉芳潤葭次潛相通  
吐艷自有時任質守其中  
建章來黃鵠西京不再逢  
子虛叙烏有總之亡是公  
汗青負壯志列鼎徒漆々

短歌行

醇酎未御嘉賓互商人生  
百年疇為久長五陵芳草  
驪山便房朝露未晞魚燈  
全荒及時為樂懽儀相望  
酌此旨酒侑以笙簧勒鐘  
鑄鼎銘旂表常卿相易致  
史鉞如霜箕穎富春適彼  
莽蒼山樵澤漁其數無量  
何以潛喆獨立天壤高不  
可踰卑不可昂孔顏華枕

大道康莊曰處今日上有橈槍下有猓猓畏塗孔傷  
炎々軒冕填屍道旁朱門峻宇馬繫其韁側身天地  
耀不如藏弋林釣淵猶或之殃藜斯藿斯枕田足釀  
知己誰存耆農鑄聚共傾一樽偶述先皇先皇往矣  
誰興誰亡拊膺不寐助我啼壺

### 猛虎行

南山有虎白其額爪如吳鈎牙如戟咆哮一聲震腐  
魄依相隨累千百生民之冤何時白李廣射虎羽沒  
石伯夷廉柳下介曾參慎蒙莊怪猛虎雖飢了不斷  
人食人猶稱快虎食虎敢相賣猛虎爪牙不足驚大

忠大孝虎前拜

君子行

舉世慕君子君子良獨難  
震堂俱燕雀把臂盡肺肝  
憂時吐危論一一泪汎瀾  
皇路且傾仄君子自帶弁  
大雅推明哲箕子臣東韓  
詩易有前師四素隨所安  
首陽徒窮餓雲龍不泥蟠

燕歌行

亭臯飛葉籬菊芳城頭哀角催嚴霜  
雁聲嗽嗽出冀方  
鳴沙馬足紛莽蒼  
良人擊筑燕市旁  
白紅繚繞亘扶桑  
葉砧搗月怨流黃  
機軋裁清湘  
西隣昨札來

漁陽單于分部坎邊牆控弦十萬左賢王東起玄菟  
西燉煌長安羽檄交相望聞之哽咽寸斷腸萬人學  
劍宿飛揚結髮匈奴未一當漢南畫界置定裏年少  
志大不自量層冰積雪迷帳房北房烈烈穿甲裳按  
圖借箸嘗披猖君母冥蹈掃撓槍深閨年貌黯自傷  
朱絲別久絃急張一彈一泪啼空牀雙星迢遞各思  
鄉欲飛萬里須輪翔憂心切切仰天狼榆關縮地河  
無梁

其二

憶別刻期會未遲關河留滯誰能知飛鴻南北信交

持芳草青々無盡時君初結剗趨南皮上谷漁陽程  
漸移游子車輪吹蓬枝浮雲俄頃去何之酸風苦霧  
鬚且絲夸父西日徒奔馳出門廢屨烹伏雌囑君早  
寒層裘施裂皆嫌慨衆見疵功令法網方疑脂黃金  
斗大命所司梁間舊燕羽差池手栽女桑綠錦絲薄  
帷明月悲我私白楊花飛叫子規薜蘿山下影相隨  
長夜蜘蛛頭自疑霜威無乃砭蛾眉寒机呵凍手如  
龜戰場墮指何能為思君遠道夢能追晨雞唧唧阻  
邊陲

從軍行

仗劍隸行營騎射拉絕技太白占秋明前旗赴隴坻  
和親絕遠嫁邊城開互市冠軍新拜侯銳氣傾衛李  
諸將俱樂屬百金選戰士一矢落飛鵬雙刀斬封豕  
悉徵左右賢各部爭一死大風晝冥々鏖殺不及視  
弓刀隱輕雷入夜鼓未止都尉深逐北流血千餘里  
馬羸收遺畜名王解餘齒閼氏頗有姿厠養充官婢  
幕府治軍書軒輕任片紙李廣終不封斗印出上指  
司馬門方高何況漢天子

鞠歌行

朝蘭蕙莫艾蕭狐裘蒙茸多黑貂思伊呂得倉寮弓  
旌四出誰其招捐忌諱馳虛騰華渭遇合自一朝師  
我武逃帝堯鄴侯下獄赤松遙起古人相盟要聖賢  
俟命不倖徼

### 苦寒行

五原雪沒牛馬目交河層冰如平陸長安新作武剛  
車掉鞅斷鞅紛難逐軍書三日會蕭關踰期凍阻推  
心顏劇張狐裘渾閒事何時得指賀蘭山  
南方炎蒸少見雪鵝毛禦臘猶嫌熱今年霜雪折寒  
膠風威觸木木皮裂楚人挾纊幸重裘葛衣履霜誰  
深憂失意君父寒莫寒不似山雀凍乾干

## 董逃行

雒城八代競丹轂白日照耀偏黃屋群兒鬪難事游  
冶但貴金珠賤五穀陛下長生享萬祿西涼老革輕  
三族羌胡離種揉東都驅掠官家翻地軸東都宮闕  
入雲霄一時瓦礫風蕭々母哭女妻哭夫富不保貧  
不扶人生不如頭上烏董侯都塢今在無

## 相逢行

驅車向西秦相逢並要津少年起徒步甲第接城闕  
賓客日填溢伏謁希清塵前堂羅鐘鼓閤檻錯琳珣

中庭有奇樹碧葉朝朝新親知蒙薦達次第列纓紳  
尚書職內史執戟衛至尊朝罷各趨候侑飲酒數巡  
趙女善鼓瑟笙竽競倫佳冶幸一顧惟恐丞相嗔富  
貴震山岳安知有故人去時同逆旅握手訴賤貧轉  
盼不相識母言均車茵

### 長安有俠客行

勁者松柏靡者茅長安俠邪滿近郊范睢上書蔡澤  
入田竇頌軋一覆巢黃頭櫂郎戲殿上賣珠董偃御  
庖長安富貴都如此方朔金門枉自嘲

### 塘上行

青青水中蒲葉葉含餘暉秋氣薄芳渚凝露行漸稀

入宮常見妬幸君鑒萋菲黃金塗椒殿奄忽來蜉蝣  
大駕出近甸羽獵導翠旂龍顏隔寒暑積念如調飢  
非不愛柳李柳李花即踐非不貴紈綺紈綺色易淺  
非不託絲竹絲竹音多舛昔既感君恩今亦感君存  
婕妤朝被命鉤弋莫啣冤長門雖我閉萬壽終不諼

秋胡行

莫挑桑間嬪貞性自不移莫卑失路人豪傑百不私  
逢于死忠諫夷齊寧積飢人言刀鋸慘壯士甘如飴  
盛時慕其羶中道即棄之田舍十斛麥糟糠忘結褵  
萬鍾食天祿管魏何足疵吁嗟魯秋胡後世有餘師

善哉行

賦命自天何聖何賢榮槐顯棘積功居延殫智竭能  
曾未百年髡飲一石滑稽自全糟丘深廣日月其綿  
三雅六齊賓客諠闐稱詩說劍擬易匹玄寂寥短詠  
春容大篇主文謠諫佐以管弦歌鐘舞袖競態爭妍  
華鈺不夜楚纓時牽懽娛苦短求福方駢海上神仙  
棲遲其巔左掖浮丘右擁嬋娟木公金母容成魏塞  
更壽送酌沆瀣如泉且游且宴坐進千年今我不樂  
將笑蟻鵲

東門行

出東門佩銀鋸二頃田三年蕪幼失業悔小儒故紙  
徒敝舌在無徘徊四顧慚妻孥出門復出門為君貸  
斗粟會稽章綬黥未黥南山種豈飢亦足漢家法網  
如凝脂鼎食鼎烹似夜燭長安切勿好上書晁錯棄  
市主父斷西隣黃犢勝積玉

卻東門西行

黃鵠摩重霄高飛不可即嘗下建章宮或集天池側  
棄襦入函關請纓耻默默仰依日月光朱丹改車飾  
八騶唱前導五鼎始一食零露漸嚴霜功名有窮極  
筋力幸未衰南園可馳弋大丹能駐顏白日不再還

撫枕夢故鄉松楸雜枳棘老至不自知白髮幾絲黑  
菟裘速為營新城柳舊植玄狐必首丘征鴻必歸北  
故鄉雖懸々恨不生羽翼

飲馬長城窟行

雙々梁燕上燕秋至不我見舊巢去復還天山幾傳  
箭楊柳青依々烏鵲向南飛鑿冰四五尺抹馬日苦  
飢積雪得少水射狐得衣邊降知未息乍解祁連圍  
汲井當長綆思君僅夢影衛霍叨肺附程李終將領  
隣人塞上來歷歲通一札病姑啼床頭驚喜十瘳八  
開札無他言飢寒勉爾刮我母七十強兒女小誰點

上留田行

孤兒不解事，輕罵他家兒。他兒自有父，爾父誰能知。

野田黃雀行

禾黍翻平疇，黃雀逐遺粟。月脂漸腴，佐箸白于玉。  
堂上羅嘉賓，卜夜難緣燭。鱸膾芼蜀薑，龍鮓驚奇觚。  
新聲李延年，侍兒歌黃鵠。曲終踟躕艷，姬媼指進醪。  
客謝力不任，醉髡屢自沃。主人起為壽，避席膝相觸。  
章華柳半枯，銅鞮草全祿。五陵咽秋風，螻蛄勝親屬。  
樂飲毋再辭，自己易款曲。

門有車馬客門

門有車馬客見枉無宿昔高蓋揚華旌羽騎威矛戟  
緩步下侯門倒屣叙肝腸管鮫良不如王貢何足撫  
指畫自侃々伊旦今在益上之為申商下之為蹠跖  
重茵致饒遺環寶輪海舶結交不在深氣誼定舜夕  
原憲守桑樞社燕不之適翟相解印來凝塵亦滿席

牆上難為趨行

滌瀕傾舟孟門催車徘徊中道爰咨爰嗟展禽三黜  
賈生長沙相如使蜀朋妃去華傳岩虛月渭濱空涯  
疇藥疇悴指正為邪夷光媒妬閭姬方誇神龍失勢  
不如歛歛累印若綬六卿三家墻高基下福極禍芽

守雌守黑儉德孔嘉魚不受餌鴻不雁置箕山商嶺  
白水丹霞

日重光行

日重光赤波雲涌駭鬱儀日重光蒼々涼々聞肺腑  
耀方陸離日重光華芝揚采燭龍頤刻周四垂日重  
光層樓丹闕滉漾隱現輝金芝日重光杳冥麗影早  
漏却扇午朝對仗頌明々儼咨々日重光隙駒荏冉  
其如馳日重光始朱顏尋素髮盛德偉代理崦嵫日  
重光大哉神堯文思安々陽烏赫々后羿九矢安能施

月重輪行

天宇弘覆濛汜自右靈妻扶輪桂闕如畫雖照綺筵  
不遺圭竇厥影扶踈窮古未究清暉燁燁流光我后  
察々默戒孔昭潛伏怪魑妖狐啼燐點狢歲山隱澤  
自甘晦陋瑩燭一隙燃藜一宿五夜沉沉弦圭定候  
社鼓莫揚麒麟馴園浮翳盡澄令德日懋

### 擢歌行

乘風遵渚從瀟湘木蘭擊楫泝流光眠鷗宿鷺半自  
藏芙蓉岫々被紅裝晨氣澄鮮蒼以涼須臾六合開  
扶桑我舸大舳多吳倡金丸妬殺雙鴛鴦青絲玉壺  
春正長白紵前溪聲繞梁隣舫傾聽來何方魴鯉為

沉雁未翔遠帆已過茅岡九河沉影夾垂楊浮家泛  
宅古姓張釣竿埋沒徒茫々

玉階怨二首

官家千萬歲何用事神仙所恨妾顏改春風別去年  
青蔥對玉樹冰雪亦敷榮此地無芳草王孫未始行

子夜歌十首

門前大江水滔滔流不住好作弄潮兒追隨無早暮  
絃服下粧樓務飾頻自顧小婢附耳言聞郎又他晤  
千金買明珠百金買翠羽重價不足論但求郎一覩  
池塘有匹鳥其名曰鴛鴦雖從儂手繡交頸不得詳  
明月解生妬專照郎未寢載明復魄載長夜常同枕

牙盤犀作箸，魴鯉厭為常。作書寄姮娥，郎意須天漿。  
相狎無忌諱，小罵指倉庚。郎情似不怡，但聽流水聲。  
蘭膏暗人意，一吹云已滅。郎心惡隙光，不道肌如雪。  
馬蹄聲特々，下馬拴柳外。栖烏莫頻啼，我郎況無賴。  
少年性若何，易怒亦易喜。春風觸簾櫳，誤儂答小婢。

子夜春歌四首

落梅不即飄，斜飛拂華鈿。郎前故々香，似愛儂素面。  
前林爛如綺，蘭蕙吹微芳。移飲結同心，又妬花相妨。  
驕嘶白鼻騮，郎向誰家去。諒尔不能禁，楊花漸飛絮。

流鶯啼長日子歸啼深夜兩情誰淺深各為春風謝

子夜夏歌四首

角黍纏青絲蒲葵綠素練西園更好李新摘手自選  
芙蓉始放花浥露有新色同郎玩華滋象簟睡未得  
三伏雖苦熱冰肌自無汗妾身誰能知惟郎長作伴  
梧桐不三年擬立出牆外終不如芭蕉今夏橫羅帶

子夜秋歌四首

雙星渡脉々何不斷踈路願作有情癡千年任禁錮  
明夜流素帷匿笑不能竟纖々解羅襦舉體有餘暎  
蟋蟀鳴牀頭軋々動机杼勉力支葉砧聲々三百杵  
白雲如郎薄寒潭如儂清遠鐘聞靜夜不能入無情

子夜冬歌四首

霜氣侵玉階羅襪不堪著輕紅躡雙鸞約畧三寸弱  
同郎種胡麻頗頗減餐飯條脫失臂圍皓腕作雙螭  
雪亦不為白水亦不為寒纏綿有盡期不知孤枕難  
西山樗與櫟棄置俱成炭妾心遠不如溫情無一半

子夜警歌四首

十尺珊瑚樹百子錦帳絲中庭多奇玩郎去復何之  
盈、十五夜肩隨拜明月明月離人盈、即見闕鏤  
雲舞作衣飛雪歌作曲何以繫郎心藕絲纏馬足芙

蓉嫁秋風秋風不終夕黃姑嫁河鼓河鼓化為石

歡聞歌二首

柳絮難為綿藕絲難為綰黃雀欲報恩金環先在眼  
郎思深不深東海無時涸持底報綢繆雙泪彈來薄

歡聞歌二首

蓮葯微為苦香炷棄為土陽臺雖有雲落紅及怨雨  
百采結同心同心冬南北鴛鴦非儂身那得不分背

黃鵠曲二首

黃鵠參天飛不知瘠與肥飢寒苦見迫風志未嘗違  
黃鵠參天飛孤翼中道回顛顛念故侶雲路多相推

長樂佳曲

桐梓製琴瑟其材俱上壽大音諧鳳鳴雌雄雙々奏  
睢鳩下中洲不沉亦不浮中洲日游泳曾不顧東流  
頭上金雀釵年深色不渝寸情各相照全勝明月珠  
婉孌有志操中陵羅氏女團扇有時停何嘗廢砧杵  
青絲何嘗白匹鳥何嘗隔三年遠寄書應問龍鬚席  
連理發春枝春枝有盡期綿々繫白日千縷萬縷絲

懊儂歌四首

纖阿白于霜取煖不如布十指澁難縫巧手無新故  
莫比梁上燕々子時來去莫比花間蝶蝶粉愁飛絮

與懽不相離懽意終邑々強笑且見嗤二五不得十  
下江三千里乘風疾如駛十里輒一捷怒石何齒々

前溪歌七首

前溪通罨畫夾岫多清陰蘭根與蘭葉一一可人心  
吳山復吳水前溪日宛轉水碧似郎衣月圓似儂釧  
高門方幾々唧泥爭春燕

前溪分水流不似溝水頭朱顏日々故嬌女夜々謳  
東武離前溪遠往幾千里溪水能順流郎舟捷于矢  
葛根生不斷前溪被兩岫郎今在洛川洛川水漫々  
溪水流漸々種荷亦種芙蓉俱徂秋好滌象牙簞

新愁非昔日不敢對隣女小立簾櫳間春風故相阻

阿子歌二首

獨挂金翠艷冶好身手密意結連環阿子汝聞否阿  
子復阿子情真無彼此汝南有啼雞郎或夢中止

嬌女詩

纖雲澹々流目波低相亞纖素罷流黃解佩垂餘暇  
柔陰晷漸移黃鳥如春罵小婢牽華裾竊問何當嫁  
潘女方少年市果滿車下

清溪小姑曲

清溪白下流心馳日歌舞小姑未解音嘗獨守門戶

宿阿曲

積愛相纏綿鍾情共生死  
嬌冶格靈祈明艷世無二  
塚間連理枝不自今日始

白石郎

郎心如石郎貌如玉結佩綢繆嗔彼華燭

湖就姑曲

遵渚下湖就兩姑異所居  
大姑隔湖上次姑門臨渠  
相思致尺素不嫌雙鯉魚

姑思曲

孤柏附霜霰矯々自顏色  
女蘿附春榮各々矜相識

採蓮童曲二首

蓮花初出水何日見蓮子紅顏正盛時  
鬢花相似香風吹綺旒安得春與冬私衷  
不能禁十丈登西峰

明下童曲

灼灼鄭櫻桃駢駢為誰豪白門多游冶  
柳絲繫前旒

同生曲二首

百年勉行樂華髮不得辭藜杖云扶老  
既老亦安施人生在適意富貴僅須臾  
地下杜康在不嫌地下沽

三洲歌二首

送壘白下橋江水西欲流升高復遠望  
何處木蘭舟

澧州雙紋筆江陵合懽橘旅舍夜常溫山々不覺出

江陵樂二首

章華樹々柳百尺垂青絲最是流鶯意藏春々不知  
年々花似綺相携渚宮下人言古渚宮花不能冬夏

青陽度二首

玉腕苦無力擣砧暗自傷歡當今夜月應醉阿誰旁  
荷葉持作蓋朱華綠波鴛鴦感厚愛願作並頭荷

青驄白馬曲

青驄白馬大道邊儂家約速誠少年春風蹀躞穿花  
塢欲去欲住方蹀躞湘東醺醺浮玉盞春纖扶袖爭

紅蓮少年舉盞百不顧娥眉連卷雲生妍沅湘之水  
分南北日暮交流會綠烟

女兒子

瞿塘截葉天青々猿聲腸斷江風腥峽舟來往無人  
色懸岷萬仞攀湘靈

來羅歌三首

都梁號芬芳初時不離草男兒拔衆尤慎勿自稱好  
仕路長驅馳冉冉老云至霜髭耦少年青鏡少獨視  
執鞭從富貴竟與白髮爭生不五鼎食即當五鼎烹

烏夜啼二首

知君慘不懽試種齊前樹城烏來上啼十<sub>二</sub>與五<sub>二</sub>  
官家下德音烏啼不飛去殷勤寄遠心其事身所預

估客樂二首

作客梁鄧問相逢但飲博名倡彈箏候一彈一再酌  
席上千黃金享客不惜費漢南春色多春色何時既

莫愁樂二首

莫愁古仙人莫愁古女子仙人不可聞女子石人是  
生年不滿百惆悵何時休聞君常失意何不喚莫愁

襄陽樂七首

選出銅鞮坊各唱銅鞮曲眉語暗相期四座了未瞞  
大隄諸游女拾翠道理珥本非託同心同心反見咎  
漢江槎頭鰓噉依春水儂心水不如搖一麾定止  
飲懽宜城酒未必醉千日片帆下揚州流水何太疾  
嶺上多桃花莫比儂顏色桃欺春風春風儂欲得江  
水未深情深獨妾心自散石城去夜々自孤衾高  
帆阻石尤三日維樊口舟人詛風伯儂却祝颶母

### 雙行纏

彤雲起足下綽約未即前江南風日佳春趺為誰妍  
輕紉剪新素迤東如初月平林出竹萌相憐不相撓

### 江南弄

三江波淨綠生烟  
花氣續紛山斷連  
蛾眉曼睭屬便  
媛屬便媛未敢薦  
岍薜蘿梁社燕

龍笛曲

洞庭雲氣隨神龍  
長空悽惋江聲通  
精靈處々來天  
來天風來天風吹  
夜月曲瀟湘人秦越

鳳笙曲

珠簾五色玳瑁筵  
鳳羽參差紫雲間  
丹唇皓齒意聯  
翩意聯翩叙衷曲  
漢宮深秦山綠

採蓮曲

吳姬十五目層波阿錫被體裳纖羅約指金環如刺  
何傷綠刺落紅芳偷一笑游冶郎

採菱曲

晨曦葉々開微光凌波縹緲隨素粧輕紅淺碧提滿  
筐花似多角似少臨秋水愁相照

朝雲曲

巫山雲氣峰々徧神女夸容誰識面綠蘿為帶黃為  
釧雲可杳山可荒情之切獨裏王

游女曲

薜蘿乍滿江南路宓妃玉女矜相顧輕顰似被三春  
悞三春誤百年思啼紅頰怨青絲

趙瑟曲

美人生長叢臺下  
朱絲五々聲容雅  
孤鴻斷影瀟湘  
夏瀟湘夏邯鄲  
春期賜玦還征輪

秦箏曲

樓上曼姬安  
新絃清商激切鳴  
流泉聲々倚柱臨秦  
川臨秦川  
錢遠道問吳楚  
幾寒燠

陽春曲

江南正月吹落梅  
雲中三月雁未回  
春風南北各徘徊  
各徘徊  
開翠箔上燕巢下紅藥

西洲曲

蘭舟蕩雙槳遠望西洲樹歷歷隱前村門巷曲可數  
雞犬略吠鳴天半朱樓露清晝遞餘香龍麝生烟霧  
髣髴見紅粧被服薰彩素單衫霞不如下裳曳翠羽  
鴉髻耀日光蛺蝶爭飛慕紆徐出中堂十步一回顧  
體柔不勝衣歲華少足住桃花已早飛蓮子方欲妬  
花飛落誰家雙蓮為誰吐頻對玉鏡臺明蟾憐日莫  
江陵那呵灘塞上飛狐戌風霜移郎顏妾面當如故  
懸揣莫多疑西洲待驂路

白紵舞歌

粉水膏暉生鏡光華釭照耀爛中堂新裁白紵鉤鈿

香桂褰襲蔽舞袖長絲竹雜導出玉房便娟一顧聲  
未揚舉袂徐引宛欲翔且前且却曳流芳飛鴻翼  
連瀟湘迴風旋電來何方細腰恰々凌渺茫漢宮絲  
柳不奈霜清歌妙吐落琳琅四座矚目樂未央觚稜  
金爵繁笙簧

東飛伯勞歌

東飛伯勞西飛鴉雖同雙翼凌風各高樓十二不知  
誰紅羅颯颯竚娥眉遷延流睇宛欲語桐微脉々心  
相叙纖指多情耻自媒人生離合嘗如許春風蘭蕙  
生澤旁伊其致之登玉房便娟精曜儼若神漢宮邢

尹俱夫人

宛轉詞

遠谷通子午神劍合雌雄弱齡不自意得承君下風  
修蛾媚初月澄波麗雙瞳芙蓉迴笑靨犀開唇紅  
繫腕玉條脫連環出鬼工被服何漪那阿錫與方空  
空比肩坐相僂並枕暗簾櫳密意誓終始南北隨飛  
鴻西園下方駕洛汭踵華驄出入兩顧盼綢繆焉能  
窮明月不更照巫山不盡峰香根沾污泥藕絲亦為  
通

自君之出矣

自君之出矣朱華零秋霜芳氣終未殘薄冰凝餘香  
人生非糜鹿安得拘南岡宛洛異全盛長安遂滄桑  
言念平生歡道遠不及詳絲履五雜俎華裘名駟驎  
衣屨安素賤難入少年場五陵多游冶輕薄過寒倉  
拭我青銅鏡照膽馳君旁

邯鄲才人嫁為廝養卒婦

不知妾貌改但自下瑤墀宮花一萬樹溝水東西馳  
金屋苔蘚生茅茨却宛轉笑語席能溫收圍不足賤  
丰葢雜藜藿絰未簾箔志意各纏綿遠勝含章閣丙  
夜候昭陽深雪侍五柝入宮妬細腰徒爾腰侵削行

樂須及時春風去不作往日歎孤凰今日等奴雀同  
心甘薄命長門非所託

獨漉

獨漉獨漉事遲意速次骨腐心如荼集蓼韓市何仇  
窟室伏他人違言于我滅族西疇藝麻東臯樹穀緝  
麻衣之春穀食之衣食有自此身為誰葛溪之鉄鑿  
于秋水百不一試奈何沒齒入則曾閔出則龍比觀  
彼羔羊胡為乳蹠尔不我親我不尔竢